

衆事分阿毗曇論卷第十一 階一

尊 者 世 友 造

宋三藏求那跋陀羅共菩提耶舍譯

千問論品第七之四

根者謂二十二根問此二十二根幾色幾非

色答七是色十五非色一切不可見七有對

十五無對十有漏三無漏九分別意根或有

漏或無漏云何有漏謂有漏意思惟相應意

根云何無漏謂無漏意思惟相應意根如意

根樂根喜根捨根信精進念定慧根亦如是

一切是有為

一有報十一無報十分別意根或有報或無

報云何有報謂不善善有漏意根云何無報

謂無記無漏意根如意根樂根喜根捨根亦

如是

苦根或有報或無報云何有報謂善不善苦
根云何無報謂無記苦根信精進念定慧根
若有漏彼有報若無漏彼無報

一切從因緣生世所攝七是色所攝十五是

名所攝八是內入所攝十一是外入所攝三

分別未知當知根已知根無知根所攝心意

識是內入所攝餘是外入所攝

一切是智知十是斷知知及斷三非斷知知

及不斷九分別九若有漏彼斷知知及斷若

無漏非斷知知及不斷

八應修八不應修六分別意根或應修或不

應修云何應修謂善意根云何不應修謂不

善無記意根如意根樂根苦根喜根捨根亦

如是

憂根或應修或不應修云何應修謂善憂根

云何不應修謂不善憂根

十六不穢汚六分別意根或穢汚或不穢汚

云何穢汚謂隱沒云何不穢汚謂不隱沒如

意根樂根苦根喜根憂根捨根亦如是

一切是果及有果十五不受七分別眼根或

受或不受云何受若自性受云何不受若非

自性受如眼根耳根鼻根舌根身根男根女

根亦如是

七四大造十五非四大造一切是有上十是

有三非有九分別九若有漏彼是有若無漏

彼非有八因不相應十四因相應

或善處攝非根作四句善處攝非根者謂善

色陰想陰根所不攝善行陰及數滅根攝非

善處者謂八根六根少分善處攝亦根者謂

八根六根少分非善處攝亦非根者謂不善

色陰想陰根所不攝不善行陰根所不攝無
記色陰想陰根所不攝無記行陰及虛空非
數滅

或不善處攝非根作四句不善處攝非根者

謂不善色陰想陰根所不攝不善行陰根攝

非不善處者謂十六根六根少分不善處攝

亦根攝者謂六根少分非不善處攝亦非根

者謂善色陰想陰根所不攝善行陰及數滅

根所不攝無記色陰想陰根所不攝無記行

陰及虛空非數滅

或無記處攝非根作四句無記處攝非根者

謂根所不攝無記色陰想陰根所不攝無記

行陰虛空及非數滅根攝非無記處者謂九

根及五根少分無記處攝亦根者謂八根及

五根少分非無記處攝亦非根者謂善色陰

想陰根所不攝善行陰及數滅及不善色陰
想陰根所不攝不善行陰漏處所不攝
或有漏處攝非根作四句有漏處攝非根者
謂根所不攝有漏色陰想陰根所不攝有漏
行陰根攝非有漏處者謂三根及九根少分
有漏處攝亦根者謂十根及九根少分非有
漏處攝亦非根者謂無漏色陰想陰根所不
攝無漏行陰及無為
或無漏處攝非根作四句無漏處攝非根者
謂無漏色陰想陰根所不攝無漏行陰及無
為根攝非無漏處者謂十根及九根少分無
漏處攝亦根攝者謂三根及九根少分非無
漏處攝亦非根者謂根所不攝有漏色陰想
陰根所不攝有漏行陰
一切或過去或未來或現在八善八無記六

分別意根或善或不善或無記云何善謂善
意思惟相應意根云何不善謂不善意思惟
相應意根云何無記謂無記意思惟相應意
根如意根樂苦喜捨根亦如是
憂根或善或不善云何善謂善意思惟相應
憂根云何不善謂不善意思惟相應憂根四
欲界繫三不繫十五分別眼根或欲界繫或
色界繫云何欲界繫謂眼根欲界繫四大所
造云何色界繫謂眼根色界繫四大所造如
眼根耳鼻舌身根亦如是
命根或欲界繫或色界繫或無色界繫云何
欲界繫謂欲界繫命云何色界繫謂色界繫
命云何無色界繫謂無色界繫命
意根或欲界繫或色界繫或無色界繫或不
繫云何欲界繫謂欲界繫意思惟相應意根

云何色界繫謂色界繫意思惟相應意根云何無色界繫謂無色界繫意思惟相應意根云何不繫謂無漏意思惟相應意根如意根捨根信精進念定慧根亦如是

樂根或欲界繫或色界繫或不繫云何欲界繫謂欲界繫意思惟相應樂根云何色界繫謂色界繫意思惟相應樂根云何不繫謂無漏意思惟相應樂根如樂根喜根亦如是

二學一無學十非學非無學九分別意根或學或無學或非學非無學云何學謂學意思惟相應意根無學即無學意思惟相應亦如是

云何非學非無學謂有漏意思惟相應意根如意根樂喜捨根信精進念定慧根亦如是九修斷三不斷十分別意根或見斷或修斷

階一

五

或不斷云何見斷若意根隨信行隨法行人無間忍等斷廣說如分別諸入品云何修斷謂如前廣說云何不斷謂無漏意根如意根捨根亦如是

樂根或見斷或修斷或不斷云何見斷若樂根隨信行隨法行人無間忍等斷彼云何斷謂見斷二十八使相應樂根云何修斷若樂根學見迹修斷彼云何斷謂修斷五使相應樂根及不穢汚有漏樂根云何不斷謂無漏樂根

二十八者三禪四諦二十八五者三禪思惟三欲界思惟貪及無明二也

喜根或見斷或修斷或不斷云何見斷若喜根隨信行隨法行人無間忍等斷彼云何斷謂見斷五十二使相應喜根云何修斷若喜根學見迹修斷彼云何斷謂修斷六使相應喜根及不穢汚有漏喜根云何不斷謂無漏

喜根五十二者二禪四諦二十八欲界四諦
身見一見一禪四見四戒盜二見盜四
貪四慢四無明四六者二禪思
惟三欲界思惟貪慢無明三也

憂根或見斷或修斷云何見斷若憂根隨信
行隨法行人無間忍等斷彼云何斷謂見斷
十六使相應憂根云何修斷若憂根學見迹

修斷彼云何斷謂修斷二使相應憂根及不
穢汚憂根十六者欲界四諦邪見四疑四瞋
無明二也

信精進念定慧若有漏彼修斷若無漏彼不
斷八非心非心法非心相應十心法心相應
一即心三分別未知當知根已知根無知根
所攝九根八根心法及心相應一根即心也
八非心隨轉非受相應一受相應非心隨轉
五心隨轉非受相應五心隨轉亦受相應三
分別未知當知根已知根無知根所攝三根

心隨轉非受相應一受相應非心隨轉五心
隨轉亦受相應

八非心隨轉非想行相應一想行相應非心
隨轉十心隨轉及想行相應除其自性三分
別未知當知根已知根無知根所攝九根八

根心隨轉亦想行相應除其自性一根想行
相應非心隨轉

二有覺有觀八無覺無觀十二分別意根或
有覺有觀或無覺有觀或無覺無觀云何有
覺有觀謂有覺有觀意思惟相應意根云何
無覺有觀謂無覺有觀意思惟相應意根云
何無覺無觀謂無覺無觀意思惟相應意根
如意根捨根信精進念定慧根未知當知根
已知根無知根亦如是
樂根或有覺有觀或無覺無觀云何有覺有

觀謂有覺有觀意思惟相應樂根云何無覺
無觀謂無覺無觀意思惟相應樂根如樂根
喜根亦如是

一見亦見處九見處非見十二分別意根若
有漏彼見處非見若無漏彼非見亦非見處
如意根樂根喜根捨根信精進念定根亦如
是

慧根或見非見處作四句見非見處者謂盡
智無生智所不攝無漏慧根見處非見者謂
見所不攝有漏慧根見亦見處者謂世俗正
見非見亦非見處者謂見所不攝無漏慧根
未知當知根已知根所攝見非見處餘非見
亦非見處無知根所攝盡智無生智所不攝
無漏慧根是見非見處餘非見亦非見處
十六非身見因身見亦非彼因六分別意根

樂根喜根捨根廣說如受念處苦根若穢汚
彼身見因身見非彼因若不穢汚彼非身見
因身見亦非彼因

憂根或身見因身見非彼因作三句身見因
身見非彼因者謂除過去現在見苦斷使相
應憂根除過去現在見集斷一切遍使相應
憂根若餘穢汚憂根身見因身見亦彼因者
謂前爾所除者是非身見因身見亦非彼
因者謂不穢汚憂根

九非業非業報一業報非報十二分別眼根
或業報非業或非業亦非業報業報非業者
謂報生眼根餘非業亦非業報如眼根耳根
鼻根舌根身根男根女根意根樂根喜根捨
根苦根亦如是
八非業非業隨轉十四業隨轉非業七是造

色色非可見色十五非造色色非可見色七
是造色色有對色十五非造色色非有對色

一切是甚深難了難了甚深

八是善亦善因十四分別眼根或善因非善

或非善因亦非善善因非善者謂善報生眼

根餘非善因亦非善如眼根耳根鼻根舌根

身根男根女根命根亦如是

意根或善因非善作三句善因非善者謂善

報生意根善亦善因者謂善意根非善亦非

善因者謂除善報生意根及善意根若餘不

善無記意根如意根樂根喜根捨根亦如是

苦根或善亦善因或非善亦非善因善亦善

因者謂善苦根非善亦非善因者謂不善及

無記苦根

憂根或善亦善因或非善亦非善因善亦善

因者謂善憂根非善亦非善因者謂不善憂
根

八非不善非不善因十四分別眼根或不善

因非不善或非不善因亦非不善不善因非

不善者謂不善報生眼根餘非不善因亦非

不善如眼根耳根鼻根舌根身根男根女根

命根亦如是

意根或不善因非不善作三句不善因非不

善者謂不善報生意根及欲界身見邊見相

應意根不善亦不善因者謂不善意根非不

善亦非不善因者謂除不善報生意根除欲

界身見邊見相應意根及除不善意根若餘

無記及善意根

樂根或不善非不善因或非不善亦非不善

因不善非不善因者謂不善樂根非不善亦

非不善因者謂善及無記樂根

苦根或不善因非不善作三句不善因非不善者謂不善報生苦根不善亦不善因者謂不善苦根非不善亦非不善因者謂除不善報生苦根及不善苦根若餘無記及善苦根喜根或不善因非不善作三句不善因非不善者謂欲界身見邊見彼相應喜根不善亦不善因者謂不善喜根非不善亦非不善因者謂除欲界身見邊見彼相應喜根及除不善喜根若餘無記及善喜根如喜根捨根亦如是

愛根或不善亦不善因或非不善亦非不善因不善亦不善因者謂不善憂根非不善亦非不善因者謂善憂根

八非無記亦非無記因八無記亦無記因六

分別意根或無記因非無記作三句無記因非無記者謂不善意根無記亦無記因者謂無記意根非無記亦非無記因者謂善意根如意根樂根苦根喜根捨根亦如是

憂根或無記因非無記或非無記亦非無記因無記因非無記者謂不善憂根非無記亦非無記因者謂善憂根

一切因緣緣及有因八非次第亦非次第緣緣十四分別意根或次第非次第緣緣廣說如受念處捨根亦如是

樂根或次第非次第緣緣作三句次第非次第緣緣者謂未來現前必起樂根次第亦次第緣緣者謂過去現在樂根非次第亦非次第緣緣者除未來現前必起樂根若餘未來樂根如樂根苦根喜根憂根信精進念定慧

根未知當知根已知根無知根亦如是
八緣緣緣非有緣十四緣緣緣及有緣一切
是增上緣緣亦有增上十隨流非流三非流
亦非隨流九分別九若有漏彼隨流非流若
無漏彼非流亦非隨流

入者謂十二入問云何十二答廣說如前

問此十二入幾色幾非色答謂十色一非色
一分別法入中或色或非色云何色謂法入
中身口業是色餘非色一可見十一不可見
十有對二無對十有漏二分別意入或有漏
或無漏云何有漏謂有漏意思惟相應意入
云何無漏謂無漏意思惟相應意入法入或
有漏或無漏云何有漏謂有漏身口業有漏
受陰想陰行陰云何無漏謂無漏身口業無
漏受陰想陰行陰及無為十一有為一分別

十一

十二

法入或有為或無為云何有為謂法入中身
口業受陰想陰行陰云何無為謂虛空數滅
及非數滅八無報四分別色入或有報或無
報云何有報謂善不善色入云何無報謂除
善不善色入若餘色入如色入聲入亦如是
意入或有報或無報云何有報謂不善善有
漏意入云何無報謂無記及無漏意入如意
入法入亦如是十一從因緣生世所攝一分
別法入若有為因緣生世所攝若無為非因
緣生非世所攝十是色所攝一是名所攝一
分別法入中身口業是色所攝餘是名所攝
六是內入所攝六是外入所攝一切是智知
十斷知知及斷二分別二若有漏彼斷知知
及斷若無漏彼非斷知知及不斷八不應修
四分別色入或應修或不應修云何應修謂

善色入云何不應修謂不善及無記色入如色入聲入意入亦如是

法入廣說如分別諸入品八不穢汚四分別廣說如上十一是果及有果一分別法入中或果非有果作三句果非有果者謂數滅果亦有果者謂有為法入非果亦非有果者謂虛空及非數滅三不受九分別眼入或受或不受云何受謂自性受云何不受謂非自性受如眼入耳入鼻入舌入身入色入香入味入觸入亦如是

十二入或四大造或非四大造云何四大造謂九入及二入少分云何非四大造謂一入及二入少分十一有上一分別法入或有上或無上云何有上謂法入中身口業及受陰想陰行陰虛空及非數滅云何無上謂數滅

十一

十二

十是有二分別二若有漏彼是有若無漏彼非有十因不相應一因相應一分別法入若心法因相應若非心法因不相應

善處攝四入少分四入少分亦攝善處不善處攝四入少分四入少分亦攝不善處無記處攝八入及四入少分八入及四入少分亦攝無記處漏處攝一入少分一入少分亦攝漏處有漏處攝十入及二入少分十入及二入少分亦攝有漏處無漏處攝二入少分二入少分亦攝無漏處

十一或過去或未來或現在一分別法入若有為或過去或未來或現在若無為非過去非未來非現在八無記四分別廣說如分別諸入品二欲界繫十分別廣說如分別諸入品

問十二入幾學幾無學幾非學非無學答廣說如分別諸入品十修斷二分別廣說如分別諸入品十非心非心法非心相應一即心一分別法入若有緣心法心相應若無緣非心法非心相應

十一

十三

十非心隨轉非受相應一受相應非心隨轉一分別法入或心隨轉非受相應作三句心隨轉非受相應者謂心隨轉身口業心隨轉心不相应行及受心隨轉亦受相應者謂想陰彼相應行陰非心隨轉亦非受相應者謂除心隨轉身口業若餘身口業除心隨轉心不相应行若餘心不相应行及無爲如受想行亦如是除其自性十非覺隨轉亦非觀相應二分別意入或有覺有觀或無覺有觀或無覺無觀云何有覺

有觀謂有覺有觀意思惟相應意入云何無覺有觀謂無覺有觀意思惟相應意入云何無覺無觀謂無覺無觀意思惟相應意入法入或覺隨轉非觀相應作四句覺隨轉非觀相應者謂覺隨轉身口業覺隨轉心不相应行及覺相應觀觀相應非覺隨轉者謂覺若覺不相应觀相應心心法覺隨轉亦觀相應者謂除覺隨轉身口業若餘身口業除覺隨轉心不相应行若餘心不相应行及覺不相应觀及非覺觀相應心心法入法及無爲

一見亦見處九見處非見二分別意入若有漏見處非見若無漏非見亦非見處法入或見非見處作四句見非見處者謂法入所攝

盡智無生智所不攝無漏慧見處非見者謂見所不攝有漏法入見亦見處者謂五見世俗正見非見亦非見處者謂見所不攝無漏法入

八非身見因身見亦非彼因十四分別色入若

穢汚身見因身見非彼因若不穢汚非身見

因身見亦非彼因如色入聲入亦如是意入

廣說如受念處法入廣說如法念處

問十二入幾業非業報答一切應分別眼入

或業報非業或非業報亦非業業報非業者

謂報生眼入餘非業報亦非業如眼入耳入

鼻入香入舌入味入身入觸入意入亦如是

色入或業非業報作三句業非業報者謂身

作色業報非業者謂報生色入非業亦非業

報者謂除業色及業報生色入若餘色入聲

入或業非業報或非業亦非業報業非業報者謂口作餘非業亦非業報

法入或業非業報作四句業非業報者謂身

口業及報所不攝思業業報非業者謂思所

不攝報生法入業亦業報者謂報生思業非

業亦非業報者謂除業及業報生法入若餘

法入

八非業非業隨轉一業隨轉非業三分別色

入或業非業隨轉或非業亦非業隨轉業非

業隨轉者謂身作色餘非業亦非業隨轉聲

入亦如是

法入或業非業隨轉作四句業非業隨轉者

謂除業隨轉身口業若餘身口業及思業業

隨轉非業者謂受陰想陰若思所不攝業隨

轉行陰業亦業隨轉者謂業隨轉身口業非

十四

十五

業亦非業隨轉者謂除業及業隨轉法入若餘法入

十二入或造色色非可見色作三句造色色非可見色者謂八入及二入少分造色色亦可見色者謂一入非造色色亦非可見色者謂一入及二入少分

十二入或造色色非有對色作四句造色色非有對色者謂一入少分有對色非造色色者謂一入少分造色色亦有對色者謂九入及一入少分非造色色亦非有對色者謂一入及一入少分一切是甚深難了難了甚深問十二入幾善亦善因答一切應分別眼入或善因非善或非善亦非善因善因非善者謂善報生眼入餘非善因亦非善如眼入耳入鼻入香入舌入味入身入觸入亦如是

色入或善因非善作三句善因非善者謂善報生色入善亦善因者謂善色入非善亦非善因者謂無記及不善色入如色入意入亦如是

聲入或善亦善因或非善亦非善因善亦善因者謂善聲入餘非善亦非善因法入或善非善因廣說如法念處

問十二入幾不善亦不善因答一切應分別眼入或不善因非不善或非不善亦非不善因不善因非不善者謂不善報生眼入餘非不善因亦非不善如眼入耳入鼻入香入舌入味入身入觸入亦如是

附一

十六

善色入

聲入或不善亦不善因或非不善亦非不善因不善亦不善因者謂不善聲入餘非不善亦非不善因意入如意根法入如法念處八無記亦無記因四分別色入或無記因非

無記作三句無記因非無記者謂不善色入無記因亦無記者謂無記色入非無記因亦非無記者謂善色入如色入聲入意入亦如是

法入或無記非無記因作四句無記非無記因者謂虛空及非數滅無記因非無記者謂不善法入無記亦無記因者謂無記有爲法入非無記亦非無記因者謂善法入

十一因緣緣及有因一分別法入若有爲因緣緣及有因若無爲非因緣緣非有因

十一

十七

十非次第亦非次第緣緣二分別意入或次第非次第緣緣作三句次第非次第緣緣者謂未來現前必起意入過去現在阿羅漢最後命終意入次第亦次第緣緣者謂除過去現在阿羅漢最後命終意入若餘過去及現在意入非次第亦非次第緣緣者謂除未來現前必起意入若餘未來意入

法入幾次第非次第緣緣作三句次第非次第緣緣者謂未來現前必起心法法入過去及現在阿羅漢最後命終心法法入及無想正受滅盡正受已起當起法入次第亦次第緣緣者謂除過去現在阿羅漢最後命終心法法入若餘過去及現在心法法入非次第亦非次第緣緣者謂除未來現前必起心法法入若餘未來心法法入除次第心不相應

行若餘心不相應行身口業及無為

十緣緣緣非有緣一緣緣緣亦有緣一分別

法入若心法彼緣緣緣亦有緣餘非緣緣緣

亦非有緣

十一是增上緣緣及有增上一分別法入若

有為彼增上緣緣及有增上若無為增上緣

緣非有增上

十隨流非流二分別意入若有漏彼隨流非

流若無漏非流亦非隨流法入或隨流非流

作三句隨流非流者謂流所不攝有漏法入

流亦隨流者謂四流非流亦非隨流者謂流

所不攝無漏法入

衆事分阿毗曇論卷第十一

十一

十八

音釋

攝失涉切穢穢於廢切污穢於廢切繫胡計切轉陟交切